

	Uburyo bwo gukusanya, gutunganya no gukwirakwiza amakuru kuri filiyeri y'imbutu mu Rwanda	Kode y'inwandiko: 41KR135I144v0
	IGICE CYA 4 : UBUMENYI BW'IMIKORERE MU BYA TEKINIKI	Itariki yo kujyanisha inyandiko n'igihe UKUBOZA 2007
IFISHI YA TEKINIKI ZO GUHINGA KIJYAMBERE : AMASHAZA		Inyandiko ikomatanyije

Inkomoko y'inwandiko	AJENDA Y'UBUHINZI / MINAGRI
-----------------------------	------------------------------------

Itariki inyandiko yasohokereye	2002
---------------------------------------	------

Umubare w'amapagi	2
--------------------------	---

IFISHI YA TEKINIKI ZO GUHINGA KIYAMBERE : AMASHAZA

1. **Aho akunda:** Akarere k'amakoro, Isunzu rya Kongo-Nili n'Imisozi miremire y'Ububeruka
2. **Ubutaka:** bwiza mu rugero, buseseka, buhitisha amazi kandi bw'isi ndende
3. **Amoko:** - *Amashaza magufi* : Miranda
- *Amashaza ashingirirwa* : Nyagashaza, Kyondo
4. **Ifumbire y'ibibora:** Kg 100 kuri ari mw'itabira
5. **Igihe cy'itera:** Nzeri, Gashyantare - Werurwe
6. **Igerambuto:** Kg 0,55 kuri ari. Batera kuri cm 40 hagati y'imirongo na cm 20 mu murongo batera intete 2 mu kobo, muri cm 4 - 8 z'ubujyakuzimu.
7. **Kuyakenura:**
 - Kubagara: - bwa mbere imbuto ifite cm 10 z'uburebure
- bwa kabiri ifite cm 15 z'uburebure
 - gusukira: igihe babagara bwa kabiri
 - gushingirira: babagara bwa kabiri.
 - Ni ngombwa gushingirira amashaza kuko biyarinda indwara, bigatuma umusaruro wiyongera
8. **Ifumbire y'imvaruganda:**
 - rizobiyumu mw'itera (ivanze n'imbuto) iyo ishoboye kuboneka
 - Kg 1 ya DAP kuri ari mw'itera iyo batateye ku mirongo;
 - amashaza amaze kumera iyo bateye ku mirongo.
9. **Indwara n'udukoko:**
 - a) **Asikoshitoze**
 - Ikiyitera:* **Ascochyta pinodes (agahumyo)**
 - Aho ifata:* umunigo, igihimba, amababi n'imisogwe
 - Ibimenyetso:* ibidomo bitoya byirabura bituma amababi ahinduka umuhondo nyuma akuma



Kuyirwanya: - gusiburanya imyaka ku buryo amashaza agaruka nyuma y'ibihe 3 cyangwa 4 by'ihinga kandi bagataba cyangwa bagatwika ibishazashaza bisigaye bamaze gusarura ;
- gutera umuti wa Impact ivanze na rusakazamuti : 0,8 L kuri ha kurabya bigeze hagati.

b) Ubuhunduguru bw'icyatsi kibisi

Irindi zina: **Acyrtosiphon pisum**

Aho ifata: amababi, igihimba, imimero ikiri mito no ku ntangiriro z'indabyo

Ibimenyetso: amashaza ahinduka umuhondo, amababi agata ireme

Kuburwanya: - guhinga kare

- sumicombi 30% cyangwa sumithion 50% 10 ml/10 L z'amazi kuri ari 1

c) Uruhumbu

Ikiyitera: **Erysiphe polygoni**

Aho ifata: igihingwa cyose uretse imizi

Ibimenyetso: utubara duto tw'ikigina twitwikiriye agafu k'umweru. Amababi afatwa igipande cyo hejuru, aba umuhondo, akuma maze akagwa. Imisogwe ifashwe ikiri mitoya, ita ireme maze ntinakure neza.

Kiyirwanya: - guterera igihe kugira ngo amashaza atazahura n'imvura nyinshi mu gihe cyo kwera ;

- gutera Impact ivanze na rusakazamuti : 0,8 L/Ha amashaza atangiye kurabya.

10. Iminsi yerera: iminsi 110 kugeza ku 140

11. Umurumbuko: Kg 12 cyangwa 13 kuri ari mu buhinzi bwa kijyambere

12. Guhunika: mu mifuka cyangwa mu nkangara (amashaza agomba kuba yumye neza)